

Introduction

Suggestions for yiss

We believe that ony subject cud be taucht in Scots but, tae stert wi, we hae concentratit on the yins whaur Scots can maist enrich yer teachin. The likes o creepy-crawlies and flooers are aften kent tae bairns by Scots names. We hae tried tae provide guid information for ye tae draw on and adapt as ye see fit.

Keep a lug cockit for local vocabulary, and send onthing ye hear intae us.

We hae gien ye a stert here. No we're askin ye tae dae something for us. We ken fine that there are guid teachin materials bein written and yaised but nae seein the licht o day ootside the yin scuil. Why no send us yer ain material tae share wi ither teachers? We wad be richt gled tae pit it on the wab or tae mak it available on request. Awreddies, we hae stertit tae get in some guid gear but it will tak a wee while yet tae mak it available. If ye tak a luik at 'Pollenation and Seed Dispersal' ye'll get some idea o whit wey we're headin.

The spellin and the grammar yaised on this wabsteid may no be the same as yer ain. Again, feel free tae chynge whit ye want tae chynge. Scots is a leevin language and isnae set in tablets o stane.